

UNIVERSITI TUN HUSSEIN ONN MALAYSIA
PEJABAT BENDAHARI

UTHM.PB/100-6/4/1Jld 3 (3)

Tarikh: 8 Mei 2016

PEKELILING BENDAHARI BIL. 3/2016

Semua Pengurus Bahagian
Universiti Tun Hussein Onn Malaysia

Y.Bhg. Dato'/Prof/Tuan/Puan,

**GARIS PANDUAN DAN KADAR PEMBIAYAAN PROJEK PELAJAR UNIVERSITI
TUN HUSSEIN ONN MALAYSIA (UTHM)**

1.0 TUJUAN

Pekeliling ini bertujuan untuk menjelaskan mengenai Garis Panduan dan Kadar Pembiayaan Projek Pelajar Universiti Tun Hussein Onn Malaysia (UTHM).

2.0 LATARBELAKANG

2.1 Universiti melalui Pekeliling Bendahari Bil. 1/2009 telah mengeluarkan tatacara berkenaan garis panduan dan kadar kelayakan tuntutan projek pelajar Universiti Tun Hussein Onn Malaysia seperti berikut:-

KATEGORI PROJEK	KADAR / PELAJAR (RM)
PROJEK AKHIR DIPLOMA (PDip)	300.00
PROJEK SARJANA MUDA (PSM)	500.00
PROJEK SARJANA <ul style="list-style-type: none"> • KERJA KURSUS • PENYELIDIKAN 	500.00 750.00
PROJEK DOKTOR FALSAFAH	1000.00

2.2 Garis panduan tersebut dikeluarkan sebagai asas kepada semua pelajar berkaitan dengan had yang boleh dituntut bagi membantu menyelesaikan projek tahun akhir masing-masing.

2.3 Mesyuarat Lembaga Pengarah Universiti Bil. 1/2016 bertarikh 26 Januari 2016 telah bersetuju dan meluluskan pindaan garis panduan dan kadar pembiayaan Projek Pelajar Universiti Tun Hussein Onn Malaysia dengan mengambilkira kemampuan kewangan Universiti.

3.0 KADAR PEMBIAYAAN PROJEK PELAJAR UTHM

3.1 Kadar pembiayaan baru yang ditetapkan adalah seperti berikut:-

BIL	KATEGORI PROJEK	KADAR BARU / PELAJAR (RM)	SUMBER
1	PROJEK AKHIR DIPLOMA (PDip)	≤ 100.00	Peruntukan Mengurus / Tabung
2	PROJEK SARJANA MUDA (PSM)	≤ 300.00	Peruntukan Mengurus / Tabung

3	PROJEK SARJANA <ul style="list-style-type: none"> • KERJA KURSUS / MOD CAMPURAN • PENYELIDIKAN 	≤ 500.00 ≤ 750.00	Tabung dari yuran pelajar
4	PROJEK DOKTOR FALSAFAH	≤ 1000.00	Tabung dari yuran pelajar

- 3.2 Kadar pekeliling ini adalah layak dipohon untuk semua pelajar perdana diperingkat Diploma, Sarjana Muda, Sarjana dan Doktor Falsafah.
- 3.3 Kadar yang dinyatakan ini merupakan insentif yang diberi kepada pelajar dan sepenuhnya bergantung kepada kemampuan kewangan semasa Universiti sama ada dari peruntukan mengurus atau kewangan tabung.
- 3.4 Fakulti / Pusat adalah diberi kuasa dan tanggungjawab sama ada meluluskan mengikut kadar dinyatakan atau lebih rendah daripada kadar tersebut bergantung kepada kemampuan kewangan yang diperolehi oleh fakulti / pusat.

4.0 SYARAT-SYARAT PEMBIAYAAN PROJEK

4.1 Syarat-syarat pembiayaan projek adalah seperti berikut:-

- 4.1.1 Projek yang dijalankan merupakan aplikasi daripada pengetahuan teori yang diperolehi daripada kuliah dan syarat khusus untuk memenuhi keperluan program.
- 4.1.2 Sebahagian besar projek adalah berbentuk produk yang memerlukan komponen elektronik, perkakasan, perisian dan sebagainya.

- 4.1.3 Sebahagian daripada projek juga mengambilkira aspek-aspek berdasarkan kepada rekabentuk, keperluan industri dan projek berkaitan pengubahsuaian terhadap sesuatu mesin atau peralatan sedia ada.
 - 4.1.4 Sebahagian projek juga diperuntukan bagi pelajar penyelidikan dari segi keperluan penyelidikan seperti bahan-bahan serta aksesori yang kecil bagi tujuan kesempurnaan kualiti projek.
 - 4.1.5 Terdapat projek yang melibatkan pengumpulan dan pembelian maklumat dan data dari Jabatan Penilaian dan Perkhidmatan Harta (JPPH) pembelian pelan serta peta topo dari Jabatan Ukur dan Pemetaan.
- 4.2 Walaubagaimanapun, syarat pembiayaan adalah tertakluk kepada kelulusan penyelia dan Dekan Fakulti / Pusat masing-masing dengan syarat tidak melebihi peruntukan keseluruhan projek pelajar.
- 4.3 Perbelanjaan-perbelanjaan yang tidak dibenarkan menggunakan pembiayaan projek adalah seperti berikut:-
- 4.3.1 Pembelian aset dan inventori.
 - 4.3.2 Pembelian buku dan alat tulis.
 - 4.3.3 Tuntutan perjalanan seperti bayaran minyak, tiket pengangkutan awam dan lain-lain perjalanan.

5.0 KAEDAH PELAKSANAAN

- 5.1 Setiap pemohon perlu mengisi boring yang telah ditetapkan. Carta alir tuntutan bagi projek pelajar adalah seperti di **Lampiran 1**.

- 5.2 Setiap pelajar hanya layak menuntut satu kelayakan pembiayaan sahaja mengikut peringkat sepanjang tempoh pengajian di UTHM.
- 5.3 Sekiranya pelajar belum menggunakan sepenuhnya kelayakan tersebut pada tahun yang sama, baki kelayakan boleh digunakan untuk tahun berikutnya. Baki kelayakan ini perlu dipantau dan disahkan oleh penyelia projek. Bagaimanapun, penggunaan baki kelayakan ini adalah atas kelulusan penyelia dan Dekan fakulti masing-masing.
- 5.4 Baki kelayakan akan luput sekiranya projek telah disahkan tamat atau pelajar telah tamat pengajian.
- 5.5 Setiap tuntutan mestilah disertakan dengan:-
 - 5.5.1 Borang permohonan yang telah lengkap diisi dan disahkan oleh penyelia projek, Dekan atau pegawai yang bertanggungjawab mengawal peruntukan PTj.
 - 5.5.2 Semua resit perlu disahkan oleh penyelia projek.
 - 5.5.3 **Semua resit perbelanjaan projek pelajar perlu dikemukakan dalam tahun yang sama dengan perbelanjaan dibuat.**
- 5.6 Sebarang tuntutan yang melangkaui tahun kewangan tidak akan dipertimbangkan untuk pembayaran.
- 5.7 Kaedah tuntutan dan prosedur pembelian adalah tertakluk kepada tatacara kewangan yang berkuatkuasa.

6.0 KUATKUASA PEKELILING

Pekeliling ini adalah berkuatkuasa dari tarikh pekeliiling ini dikeluarkan.

7.0 PEMBATALAN


Dengan berkuatkuasanya Pekeliiling ini, Pekeliiling Bendahari Bil. 1/2009 berkenaan Garis Panduan Dan Kadar Pembiayaan Projek Pelajar Universiti Tun Hussein Onn Malaysia adalah dibatalkan.

Kerjasama dari YBhg. Dato'/Prof/Tuan/Puan adalah diharapkan agar dapat memaklumkan penguatkuasaan pekeliiling ini kepada staf dan pelajar fakulti di bahagian masing-masing.

Sekian, terima kasih.

“DENGAN HIKMAH KITA MENEROKA”

Yang benar,



AZIZAH BT NASRI

Pemangku Bendahari

Universiti Tun Hussein Onn Malaysia

- s.k
- Y.Bhg Naib Canselor
 - Y.Bhg. Timbalan Naib Canselor (Penyelidikan & Inovasi)
 - Y.Bhg. Timbalan Naib Canselor (Akademik & Antarabangsa)
 - Y.Bhg. Timbalan Naib Canselor (Hal Ehwal Pelajar & Alumni)
 - Ketua Unit Audit Dalam

CARTA ALIR TUNTUTAN BAGI PROJEK PELAJAR DIPLOMA, SARJANA MUDA, SARJANA (KERJA KURSUS / MOD CAMPURAN), SARJANA (PENYELIDIKAN) DAN DOKTOR FALSAFAH (PHD)

